

basí fuscescentibus, ore, antennis, pedibus petioloque albidis. Caput postice angustatum. Antennæ 10-articulatæ, funiculi moniliformis articulo secundo (antennæ 3) maximo, præcedente vel sequente duplo longiore. Petioli nodus et postpetiolus subæquilateri, simul sesqui longiores quam latiores. Alæ hyalinæ, costis albidis. — L. vix ultra 2 mm.

Inter omnes congeneres antennis operariæ 9 articulatis insignis.

Insula Seleo. Nidus in ramulo exsiccato ab eruca perforato; ♀ in nido non erat.

83. *Crematogaster polita* F. Sm. (Tab. VIII. fig. 36—38.)

Operaria. Colore variabili, plerumque castaneo-rufa, capite gastere que fuscis, antennis, petiolo, coxis, trochanteribus et tarsis dilutiōribus, vel etiā tota castaneo-rufa, abdomine fusco, antennis pedibusque magis rufescentibus; nitidissima, copiose (etiam in scapo et pedibus) pilosa. Caput leve, subquadratum, lateribus arcuatæ, occipite late arcuatim emarginato, clypeo medio convexo, sine striis aut carinis, mandibulis nitidis, disperse punctatis. Antennæ 11 articulatæ, scapo marginem occipitis vix superante, funiculi articulis omnibus longioribus quam crassioribus, clava elongata biarticulata (vel subtriarticulata, scilicet articulo 9 præcedente sesqui longiore, sed sequente multum breviore). Thorax levus, meso- et metapleuris longitrorsum rugosus. dorso inter mesonotum et epinotum profunde angulatim constricto, sutura promesonotali superne nulla, eius loco depressione arcuata, promesonoto a latere viso valde arcuato, pronoto fornicato, mesonoto transversim depresso, longitrorsum arcuato; epinotum pagina basali brevi cum declivi angulum modice obtusum sed valde rotundatum amplectente, spina utrinque haud crassa, acuta, margine laterali partis basalis æquilonga, stigmate sub spina magno, luteo. Petiolus plus quam sesqui longior quam latior, superne depresso et postice impressus, elongate ovalis, antice angustatus, subtus inermis; postpetiolus petiolo vix latior, subrotundus, sine sulco longitudinali. — L. $2\frac{1}{2}$ — $2\frac{3}{4}$ mm.

Tamara, Seleo. — Specimina pallidiora cum descriptione SMITHI conveniunt. WALLACE speciem legerat in *Dory*.*

Speciem huic affinem legit DOHERTY ad *Humboldt Bay*. C. LE-GUILLOU n. sp. — ♀. Structura corporis *C. politae* affinis, sed major et aliter colorata et sculpta: fusco-nigra, mandibulis, funiculis, petiolo, coxis, trochanteribus, geniculis tarsisque ferrugineis, nitida, pilosa. Caput paulo longius quam latius, lateribus arcuatæ, occipite arcuatim late emarginato, clypeo antice et lateribus, genis et frontis lateribus subtiliter striatis, cæterum leve; mandibulæ striatæ; antennarum scapus marginem occipitis fere attingens, articulis funiculi omnibus longioribus quam latioribus, clava biarticulata (subtriarticulata). Thorax pronoti lateribus et parte dorsali postice mesonotique dorso levibus, cæterum longitrorsum striato-rugosus, promesonoto æqualiter fornicato, fundo depressionis inter mesonotum et epinotum a latere viso recto,